

Istraživanje višestrukih pokazatelja MICS3 je metodologija globalnog istraživanja, pokrenuta od strane UNICEF-a tokom devedesetih godina, kako bi se izmjerilo napredovanje u državama i globalne obaveze. Projekat je započet na Svjetskom samitu za djecu 1990. godine.

MICS3, koji je u BiH implementiran 2006-2007 pruža informacije koje će dodatno procijeniti napredak država u skladu sa Milenijumskim razvojnim ciljevima (MDG) iz 2000. godine, kao i sa obavezama koje su u skladu sa obavezama Svijet prilagođen djeci (WfTc), koje su donesene na specijalnoj sjednici Generalne skupštine Ujedinjenih nacija 2002. godine. Ciljevi Svjetskog samita, kao i Milenijumski razvojni i Svijet prilagođen djeci ciljevi, se fokusiraju na postignuća i napredovanje u smanjenju siromaštva, dostignuća u univerzalnom obrazovanju, razvoju zdravstva i dobrobit djece i žena kao ključnih faktora u napredovanju države, i kao temelj budućih društava i napredovanja čovječanstva. Vlade Bosne i Hercegovine su se obavezale prema MDG i WfTc u 2000 i 2002. godini. MICS3 istraživanje je omogućilo Bosni i Hercegovini da izvjesti o 20, od ukupno 48 MDG pokazatelja na koje se Bosna i Hercegovina obavezala.

Istraživanje je implementirano zahvaljujući neprocjenjivoj podršci BiH vlada, naročito Direkcije za ekonomsko planiranje BiH, Ministarstva zdravlja i socijalne zaštite Republike Srpske, Ministarstva zdravlja Federacije BiH, Agencije za statistiku BiH, i entitetske statističke institucije, sa finansijskom pomoći od strane UNICEF-a i DFID.

Kao što ćete primjetiti dok budete čitali ovaj važan izvještaj, situacija djece i žena prema broju pokazatelja je relativno izmješana. Ključna pitanja, koja želimo da napomenemo su:

1. Izvještaj naglašava važnost razvoja stanovništva i demografsku politiku, koja će u potpunosti podržati obitelji sa djecom, kao i status roditeljstva u Bosni i Hercegovini.
2. Dok broj podataka u zdravstvu pokazuje da se zadovoljavajući nivo podrške održava, posebna važnost bi trebala da se stavi na imunizaciju djece, kao i jačanje promocije o ispravnoj ishrani među stanovništvom Bosne i Hercegovine. Majčinsko zdravlje, iako na zadovoljavajućem nivou, može zahtijevati daljnju podršku u okviru programa zaštite majčinskog i ženskog zdravlja.
3. Podaci o obrazovanju, pokazuju visok nivo prisustva i pohađanja. Ali, ima još poprilično djece koja se ne upisuju u osnovnu školu. Istraživanje je pokazalo poprilično niske brojke u završavanju osnovne škole, i ovaj podatak bi trebalo da se adresira kroz bolje praćenje napuštanja škola, i podrške obiteljima čija djeca napuštaju školu zbog različitih razloga.
4. Brojke u prisustvu i pohađanju srednjih škola izgledaju visoke. One međutim pokazuju da je potrebno mnogo da se uradi kako bi srednje škole postale univerzalne u Bosni i Hercegovini.
5. Istraživanje se također više fokusiralo po pitanjima dječije zaštite, nasilja u obitelji, i znanju o HIV/AIDS. Mnogo treba da se uradi kako bi BiH bila u mogućnost da u potpunosti podržava adekvatni razvoj djece, da se spriječi nasilje u obitelji i nasilje nad djecom kroz prevenciju i podizanje svijesti o ovom problemu. Pitanje HIV/AIDS je vrlo povezano sa brojkama u svakodnevnoj praksi, kao što su: rani brak, seksualno ponašanje i upotreba kontracepcije. Podaci u okviru Istraživanja pokazuju da je

potreban snažan udar u promociji javnog zdravstva, naročito ženskog zdravlja, u polju reproduktivnog zdravlja i zaštite od seksualno prenosivih bolesti.

Htjeli bi da naglasimo da je Istraživanje implementirano na nivou oba BiH entiteta. Za vrijeme implementacije Istraživanja, institucije koje su učestvovala su se suočile sa velikim brojem pitanja, koja su proizašla zbog neinformiranosti i pristupa dječijem i ženskom zdravlju, kao i među obrazovnim i socijalnim pokazateljima. Ovo potvrđuje prigovor davatelja usluga u svim društvenim sektorima u Bosni i Hercegovini u razvoju i prihvatanju jednakih standarda dječije socijalne zaštite u BiH, koja će poštovati društvene i ekonomske razlike na brojnim administrativnim nivoima u BiH, ali će u isto vrijeme obezbijediti jednak pristup uslugama, informacijama i zaštiti svoj djeci u BiH.

Na kraju, željeli bismo da pohvalimo vladine institucije, koje su dvije godine radile na implementaciji ovog Istraživanja. Glavna namjera u implementaciji istraživanja je potvrdila potrebu za većim investicijama i većom pažnjom na društvene statistike, i jačanje statističkih sistema u BiH, kako bi omogućile državi da redovno prikuplja podatke o djeci i ženama na više pristupačan način. Svjesni smo činjenice da je proces jačanja društvene statistike, kao i generalni statistički sistem već u izradi. Ali ipak bi htjeli da Vas podstrekemo u osiguranju veće podrške po ovom značajnom pitanju za razvoj politike i dugoročnog društveno-ekonomskog razvojnog planiranja u Bosni i Hercegovini.